

**OPĆINA OLOVO**  
**OPĆINSKO VIJEĆE**

Na osnovu člana 64. stav 5. alineja 1. i 2. Zakona o zdravstvenoj zaštiti („Službene novine Federacije BiH“, broj: 46/10 i 75/13), člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13), Odluke Općinskog vijeća Olovo o utvrđivanju kriterija za imenovanje u reguliranim tijelima općine Olovo, nadzorni/upravni odbori u javnim preduzećima i javnim ustanovama broj: 01-01-3-1692/13 od 04.06.2013. godine i Odluke o raspisivanju Javnog konkursa/oglasa za izbor i imenovanje u reguliranim organima kojima je osnivač Općinsko vijeće Općine Olovo, broj: 01-01-3-296/23 od 06.02.2023. godine, Općinsko vijeće Općine Olovo,  
*o b j a v l j u j e*

**J A V N I O G L A S**  
**za izbor i imenovanje člana Upravnog odbora**  
**JU „Dom zdravlja sa stacionarom“ Olovo**

**I - Naziv pozicije**

Objavljuje se Javni oglas za izbor i imenovanje člana Upravnog odbora:

- 1. UPRAVNI ODBOR JU „DOM ZDRAVLJA SA STACIONAROM“ OLOVO,**  
- predstavnik-Osnivača Općine Olovo - 1 (jedan) član.

Predsjednika i članove Upravnog odbora JU „Dom zdravlja sa stacionarom“ Olovo imenuje i razrješava Općinsko vijeće, na prijedlog Općinskog načelnika.

**II – Opis pozicije člana Upravnog odbora**

**Djelokrug rada Upravnog odbora JU „Dom zdravlja sa stacionarom“ Olovo, podrazumijeva sljedeće:**

- Donosi Satut ustanove,
- Imenovanje i razrješavanje direktora odnosno v.d. direktora JU „Dom zdravlja sa stacionarom“ Olovo,
- Utvrđivanje planova rada i razvoja JU „Dom zdravlja sa stacionarom“ Olovo,
- Utvrđivanje godišnjeg programa rada,
- Donošenje finansijskog plana i usvajanje godišnjeg obračuna,
- Donošenje opštih akata o unutrašnjem uređenju i sistematizaciji poslova i druge opšte akte, u skladu sa zakonom i statutom JU „Dom zdravlja sa stacionarom“ Olovo,
- Odlučivanje o svim pitanjima obavljanja djelatnosti radi kojih je JU „Dom zdravlja sa stacionarom“ Olovo osnovana, ako zakonom nije određeno da o određenim pitanjima odlučuje drugi organ JU „Dom zdravlja sa stacionarom“ Olovo,
- Donosi odluke o korištenju sredstava preko iznosa od 5. 000, 00 KM,
- Usmjeravanje, kontrolisanje i ocjenjivanje rada direktora,
- Rješavanje svih pitanja odnosa s osnivačem,
- Odlučivanje o korištenju sredstava preko iznosa utvrđenog statutom JU „Dom zdravlja sa stacionarom“ Olovo,
- Odgovaranje Osnivaču za rezultate rada JU „Dom zdravlja sa stacionarom“ Olovo,
- Odlučivanje o prigovoru zaposlenika na rješenja kojim je drugi organ, određen statutom JU „Dom zdravlja sa stacionarom“ Olovo, odlučio o pravu, obavezi i odgovornosti zaposlenika iz radnog odnosa,
- Podnošenje Osnivaču najmanje jedanput godišnje izvještaj o radu i finansijskom poslovanju JU „Dom zdravlja sa stacionarom“ Olovo,
- Obavljanje i drugih poslova u skladu sa zakonom i statutom JU „Dom zdravlja sa stacionarom“ Olovo.

Mandat na koji se bira član Upravnog odbora je do isteka mandata članovima UO koji su imenovani na sjednici Općinskog vijeća dana 17.03.2022. godine

Kandidati moraju ispunjavati opće i posebne uslove.

### **III – Opći uslovi**

Kandidati koji se prijave za poziciju člana upravnih odbora moraju da ispunjavaju sljedeće opće uslove:

1. da su državljani Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije osuđivan za krivično djelo i da se protiv njega ne vodi krivični postupak i privredni prestup nespojiv s dužnošću u reguliranom tijelu, pet godina od dana pravosnažnosti presude, isključujući vrijeme zatvorske kazne,
6. da nije lice kojem je pravosnažnom presudom suda zabranjeno obavljanje aktivnosti u nadležnosti reguliranog tijela,
7. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH“: broj:12/03, 34/03 i 65/13),
8. da nisu članovi tijela zakonodavne, izvršne vlasti ili savjetnik u smislu Zakona o sukobu interesa u organima vlasti Federaciji BiH („Službene novine FBiH“, broj: 70/08),
9. da nema privatni finansijski interes u javnoj ustanovi za koju se kandiduje u smislu člana 2. tačka 1.2. Zakona o ministarskim, vladinim i drugim imenovanjima Federacije BiH („Službene novine FBiH“: broj:12/03, 34/03 i 65/13) i
10. da nije osoba starija od 65 godina.

**Lični podaci o podnosiocima prijave iz tačke 5. i 6. općih uslova prikupljati će se službenim putem shodno Zakonu o zaštiti ličnih podataka u BiH.**

### **IV - Posebni uslovi**

Kandidati koji se prijave za poziciju člana upravnog odbora moraju pored općih da ispunjavaju sljedeće posebne uslove:

1. da imaju najmanje višu stručnu spremu, s tim da je poželjno da kandidati imaju visoku stručnu spremu pravnog i ekonomskog smjera i stručnu spremu iz oblasti koja je srodna osnovnoj djelatnosti preduzeća/ustanova,
2. da imaju najmanje tri (3) godine radnog iskustva,
3. da kandidat posjeduje sposobnost za savjesno, odgovorno i odlučno obnašanje pozicije, dokaz: ocjena sa intervjuja,
4. da kandidat posjeduje sposobnost nepristrasnog donošenja odluka, komunikacijske i organizacijske sposobnosti, dokaz: biografija i ocjena sa intervjuja,
5. da kandidat posjeduje pozitivne rezultate rada ostvarene tokom poslovne karijere, preporuke ranijih neposrednih rukovodilaca ( po mogućnosti ), dokaz: slobodan izbor kandidata.

Ocjena kandidata koji ispunjavaju opće i posebne uslove, utvrđene tačkama III i IV oglasa, izvršiti će se na osnovu stepena i profila stručne spreme, kao i radnog iskustva. Nakon obavljenog intervjuja sa kandidatima izvršiti će se ocjenjivanje kandidata u pogledu:

- komunikativnih i organizatorskih sposobnosti,
- minimuma znanja o organizaciji i djelatnosti reguliranog organa,

- sposobnost savjesnog i odgovornog obavljanja upražnjene pozicije,
- sposobnost nepristrasnog donošenja odluka,
- naklonjenost timskom radu.

#### **V – Potrebni dokumenti**

Kandidati su dužni uz prijavu koja čini zaseban dokument i mora biti potpisana, a koja sadrži kraću biografiju, adresu i kontakt telefon, priložiti sljedeću dokumentaciju:

1. uvjerenje o državljanstvu ne starije od 6. mjeseci,
2. izvod iz matične knjige rođenih,
3. diplomu o stečenoj višoj ili visokoj stručnoj spremi,
4. uvjerenje o radnom iskustvu nakon sticanja više ili visoke stručne spreme,
5. ovjerenu izjavu o ispunjavanju uslova iz tačke III, podtačka 3, 4, 7, 8 i 9. oglasu,
6. ovjerenu izjavu ili preporuke/potvrde poslodavca o ispunjavanju uslova iz tačke IV, podtačka 3.,4.,5. oglasu.

Dokumenti koji se prilažu uz prijavu moraju biti dostavljeni u originalu ili ovjerenoj fotokopiji.

#### **VI – Dodatna pojašnjenja**

Javni oglas će biti objavljen na službenoj web stranici Općine Olovo, „Službenim novinama Federacije BiH“ i dnevnom listu „Oslobođenje“, a bit će otvoren 15 dana od dana objavljivanja, računajući od dana posljednjeg objavljivanja.

#### **VII- Posebno pojašnjenje**

**Svaki kandidat koji se prijavi na ovaj oglas obavezan je u prijavi i na koverti sa dokumentima naglasiti da se prijavljuje na poziciju člana Upravnog odbora JU „Dom zdravlja sa stacionarom“ Olovo kao predstavnik - Osnivača Općine Olovo. Ukoliko kandidat na koverti ne naznači ispred kojeg subjekta se prijavljuje i čiji je predstavnik takve koverta Komisija neće otvarati, odnosno prijave se neće uzimati u razmatranje.**

Svi kandidati koji budu stavljeni na listu sa užim izborom bit će pozvani na intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o kandidatima.

Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Prijave za Javni oglas dostaviti u zatvorenoj koverti na sljedeću adresu:

**OPĆINA OLOVO  
OPĆINSKO VIJEĆE**

sa naznakom:

**„ JAVNI OGLAS ZA IZBOR I IMENOVANJE ČLANA UPRAVNOG ODBORA JU  
„DOM ZDRAVLJA SA STACIONAROM“ OLOVO  
( NE OTVARAJ)“**

Prijave se mogu slati putem pošte ili direktnom predajom na protokol u šalter sali Općine Olovo. Neblagovremene i nepotpune prijave neće se razmatrati.

Broj: 01-01-3-344/23

Datum: 14.02.2022.godine

**PREDSJEDAVAJUĆI  
OPĆINSKOG VIJEĆA**

**Amir Muminović, BA poslovanja, s.r.**